

无上秘要卷之三十九同卷

子四

授洞玄真儀品

設壇宿露法

靈壇之法壇縱廣二丈四尺亦可三丈二尺

隨人多少作之四面門幕各長九尺作五門

廣五尺亦可四尺餘幕各長七尺青繩兩道

連門跨勝廣三十二分長三寸四分

青華元陽門在東方朱書青勝

洞陽太光門在南方黃書赤勝

通陰金關門在西方黑書白勝

陰生廣靈門在北方青書黑勝

元黃高辰門在王門下四季上白書黃勝

上仙眾真門在王門上紫書黃勝

右六門從省而用若用重壇十門者自依黃

籙經中安置

中央門在四時王門下四季上眾真門王門

上四孟上春王在卯中央門在丑眾真門在

巳夏王在午中央門在辰眾真門在申秋王

在酉中央門在未眾真門在亥冬王在子中

央門在戌眾真門在寅王无別門春用青華

夏用洞陽秋用通陰冬用陰生取此以為王

門出入從眾真門行

次六等信物法

五色絲五疋為五帝信

金龍九枚以為九天之信各官秤一兩

金龍五枚以為五嶽之信各官秤一兩

金錢二萬四千以為二十四生炁之信

本命絲隨年數

天子用疋公王用丈庶民用尺數經料如此

若不堪獨辦者可眾共出之若眾不能辦者

隨貧富量之

次設素法

五門各安一素素置一香火一龍一絲隨方

色一素盛經丹中在下青巾覆之置尊像前

一素啓奏度事於師前

一素置九龍金錢等信置尊像前

次宿露入壇發爐法

无上三天玄元始三炁太上老君召出恭等

身中三五功曹左右官使者左右捧香驛龍

騎吏侍香金童傳言散花玉女五帝直符各

三十六人出出即嚴裝關啓此間土地里域

真官正神正爾燒香宿露壇上黃繒表章願

得

太上十方正真之炁來入恭等身中令臣所

啓速達選御

太上无極大道至真玉皇上帝几前

次讀黃繒章法

太上靈寶无上三洞真人某嶽先生姓名等

稽首再拜

上言

元始五老上帝至真大聖尊神玉陛下某素

質下世生值因緣九天之劫轉輪不滅宿慶

福祚延流今身得生法門昔以某年某月某

朔某日甲乙承先師三洞真人某嶽先生某

甲奉受靈寶洞玄經符圖玉字修行佩身今

有上學道士某甲年若干某甲等信向精勤

齋信自誓求受洞玄靈寶經文符圖玉字五

卷若更有經卷隨多少其修行供養永為身

寶祭某等心翹勤好尚宿福所鍾得象靈文

披躬篇目宜極道真但恐某甲先无玄名善

功三界不舉玉帝不明今按明科露文中壇  
合法以傳謹伏地啓奏上聞  
九天願高聖尊神曲照所陳垂慈丹心仰惟  
九天至真大道无極尊神分別哀憐伏須告  
報某等誠惶誠恐稽首再拜

以聞

臣姓某屬某郡縣

无上元始大道君洞玄靈寶五老玉帝大聖  
玉陛下

太歲甲乙某月某日某郡縣鄉里中拜

上

右出明真經

次復爐法

香官使者左右龍虎君侍香諸靈官當令靜  
室之中自然生金液丹碧之英眾真百靈交  
會在此香火之前願某等眾神擁衛早得仙  
真

皇帝萬福天下蒙恩十方玉童玉女侍衛香

煙傳奏所言還御

太上无極道前

右出明真經

次奉戒項

道為无心宗 一切作福田 立功无定主  
本願各由人 虛已應衆生 注心莫不均  
大聖弘至教 亦猶而降天 高陵靡不周

常卑故成淵

海島百川王 是能含龍麟

萬劫保智用

豈但在厥年 奉戒不暫虧

世世善結緣

精思念大乘 會當體道真

右出請問下經

次出道場密祝法

玄上太陰八憲開明向有所啓少女通靈事

畢復位萬神潛寧

右出金錄經

次明旦度事於戶外密祝法

四明功曹通真使者傳言玉童侍靖玉女為

我通達道室正神上元生炁入我身中

右出金錄經

次發爐法

无上三天玄元始三炁太上老君召出某等  
身中三五功曹左右官使者左右捧香驛龍

騎吏侍香金童傳言散花玉女玉帝直符各

三十六人出出即嚴裝闕啓此間土地里域

真官正神臣今正爾燒香為某等度事願得

太上十方正真之炁來入臣等身中今臣所

啓速達還御

太上无極大道至真玉帝几前

次禮三寶

至心稽首太上无極大道

至心稽首三十六部尊經

至心稽首玄中大法師

次師西面長跪讀盟文

弟子對信而伏

太歲某年某月某朔某日甲乙某嶽先生甲

乙本命某年某月生某天領籍為係某天君

今於某炁天從師某嶽先生某甲受符圖四

十三章玉文九百二十四字七靈鎮真金縉

誓心告靈盟天約為身寶奉承大法俯仰真

典上告三十二天監真度文命侍經仙郎韓

司主錄飛天真入三界神王落某死籍勒上

仙名金格玉錄三元品中依大宥威儀降下

真仙之氣入其身中三十三天監仙司馬典  
 經羽郎各依格遣玉童玉女神真之炁各一  
 合來下待衛靈文奉給某甲身普聞諸天諸  
 地无極世界日月星宿三界官屬五嶽名山  
 九江水府三官司署九幽長夜泉曲之中无  
 影无色无形无名无音无響无大无小无高  
 无下无尊无卑一切神靈咸各明某甲身奉  
 大法佩帶天文名入仙錄三元品中出入遊  
 行依具司迎一月三朝如紫微上宮削落地  
 簡九幽目錄滅絕宿對斬息惡根不得俱逮  
 億劫无連七祖同福皆得上昇逍遙玄都七  
 寶林中竟受鍊度時得更生某甲約承奉大  
 法一如明身檢身順誠生死成仙五帝交友  
 遊戲諸天愆盟負誓泄漏天文傳非年限生  
 死謝對長負河源風刀萬劫填夜捷山罪福  
 對報悉如盟文

次師鳴法鼓三十六通師徒各心存五藏五  
 色令備具合成寶蓋之雲羅覆經師徒衆

右出明真經

次作傳經誦一首

天書簡不煩 道德自備足 修之必神仙  
 當復何所欲 文耀太无間 煥然而朗郁  
 傳授悉依法 泄慢墮地獄  
 次弟子於師前長跪受經及神林策板訖各  
 復位禮師三拜

其安杖中符及策板法若人少可依後文呪  
 法安置若人多者宜於齋中悉內符封訖與  
 經一時付度

右出隱注經

次禮十方法

歸命一切天尊

- 至心歸命北方玄上玉晨天尊
- 至心歸命東方度仙上聖天尊
- 至心歸命東方玉寶皇上天尊
- 至心歸命東南方好生度命天尊
- 至心歸命南方玄真萬福天尊
- 至心歸命西南方太靈虛皇天尊
- 至心歸命西方太妙至極天尊
- 至心歸命西北方无量太華天尊
- 至心歸命上方玉虛明皇天尊

- 至心歸命下方真皇洞神天尊
- 至心歸命過去高上玉皇天尊
- 至心歸命見在元始天尊
- 至心歸命未來太極天尊
- 至心歸命玉京玄臺紫微上宮

至心歸命一切真仙得道聖衆

右出靈寶經

次誦三真人頌

太上大道君 出是靈寶篇 高妙難為喻  
 猶彼玄中玄 自然十方土 共仰无上仙  
 大乎洞虛經 安坐朝諸天 上寶紫微臺  
 下藏諸名山 煥爛龍鳳文 戰耀在无間  
 妙哉太上道 无為常自然 王侯及凡庶  
 所貴唯忠賢 宿命有福慶 卓拔在音緣  
 法師輪相授 寶信劫數年 廣念度一切  
 大福報爾身 供養必得道 奉行成至真  
 大道无彼我 傳當得其人 虛无常自然  
 疆名宇大道 緬邈无邊際 衆妙歸靈寶  
 開眼存至真 精思降十老 昇仙永无為  
 靈顏恒妙好 渴飲玉池醴 饑食金光草

1025 A B6-5

淨慧度八難 濟世諸苦惱 衆妙出洞玄  
 煥爛耀太清 奉者號仙人 體无永長生  
 逍遙戲玄虛 宮殿羅无形 蒨璨七寶林  
 晃朗日月精 龍麟交橫馳 鳳凰翔悲鳴  
 太上治紫臺 衆真誦洞經 捨香稽首禮  
 旋行繞宮城 三周歸高座 道玉為應聲  
 人主弘至道 天下普安寧  
 次師東面長跪還仙官  
 太上靈寶无上三洞弟子姓名等上啓  
 虛无自然元始天尊无極大道太上道君高  
 上玉皇已得道大聖衆至真諸君丈人三十  
 二天帝玉虛上帝玉帝大帝東華南極西靈  
 北真玄都玉京金闕七寶玄臺紫微上宮靈  
 寶至真明皇道君某等宿命因緣生值道化  
 玄真啓拔得入信根先師盟授三寶神經供  
 養尊禮立功為先以去某月日謹與某甲等  
 傳經行道建立齋直燒香懺願今傳授事畢  
 所請天仙地仙飛仙真人聖人監齋直  
 事侍香金童散華玉女玉帝直符傳言奏事  
 飛龍騎吏等監臨齋所營衛勤勞各隨功受

賞進品上秩復諸天位謹上啓聞

右出自自然經訣

次復爐法

香官使者左右龍虎君侍香諸靈官當今壇  
 靖之中自然生金液丹碧芝英衆真百靈交  
 會在此香火案前願某受道已後衆神擁衛  
 早得仙真

皇帝萬福天下受恩十方玉童玉女侍衛香  
 煙傳奏所啓逕御  
 太上无極道前

右出明真經  
 次誅奉戒頌  
 道為无心宗 一切作福田 立功无定主  
 本願各由人 虛已應衆生 注心莫不均  
 大聖弘至教 亦猶雨降天 高陵靡不周  
 帝早故成淵 海為百川王 是能舍龍麟  
 萬劫保智用 豈但在厥年 奉戒不暫虧  
 世世善結緣 精思念大乘 會當體道真

右出請問下經  
 次出道場密祝法

玄上太陰八寔開明向有所啓少女通靈事  
 畢復位萬神潛寧  
 右出金籙經

无上秘要卷之三十九